


2024 06 16



MUGAEZIN

ARABA EUSKARAZ

GEHIGARRIA **GARA**


AURTEN
OMENDUKO
DUTEN
ERAKUNDEA
ARABAR
ERRIOXAN
HELDUEN
EUSKALDUNTZEAN
LAN EGINEZ
URTEAK
DARAMATZAN IKA
EUSKALTEGIA DA.

MENDE ERDIZ ARABAKO ERRIOXA EUSKALDUNDUZ

Gaur egun erabat erroturik eta finkaturik dagoen San Bizente ikastolaren lehen hazia iragan mendearen azken laurdenean hasi zen ernaltzen, 1976an, hain justu ere. Urte hartan Oiongo eta Arabako Errioxako guraso talde bat aurretiaz galduriko euskara eta euskal sustraiak berreskuratzeko ahalegin betean murgildu zen eta ikastolaren proiektua garatzeari ekin zion buru-belarri.

Garai zail eta korapilatsuak izanda ere, ekinaren ekinaz lortu zuten ikastola martxan jartzea. Hastapenean, 11 ikasle soilik eskolatu ziren, baina kopuru hori etengabe hazi zen ondorengo urteetan. Hala, 1987ko ikasturtean 135 ikasle hartu zituen ikastolak. Gaur egun, orotara, 0-16 urte bitarteko 304 ikasle eta 32 irakasle dihardute Oiongo ikastolan.

Esan beharra dago San Bizente ikastola gurasoen kooperatiba dela eta guztiaren gainetik helburu zehatz bat daukala, hots, bazkideen seme-alaben eta senideen euskarazko irakaskuntza eta hezkuntza sustatzea eskualdeko beharren arabera mailetan eta modalitateetan.



Oiongo ikastolako haurrak, 2015ean ateratako argazkian. Juanán RUIZ | FOKU

Aipatzekoa da, bestalde, Errioxan bizi diren hainbat familiatako neska-mutikoak Oionera joaten direla, bertako ikastolan D ereduan, euskaraz, hezi ahal izateko.

Ikastolaren sorreratik gaurdaino, San Bizente ikastolak garai bakoitzera egokitutako oinarri pedagogiko eta metodologikoak ezarri izan ditu. Egun proiektu sendo baten oinarriak

garatuak ditu, eta horiek dira, besteak beste, hezkuntza ikuspegi konstruktibista, hiru eleduna, bizikidetzatza, integrazioaren pedagogia, ikasle guztientzako orientazioa eta aniztasunarekiko arreta. Oinarriak finkatuta eta eskarmentua lagun, etorkizun oparoa aurreikus dakioko Oiongo San Bizente ikastolari. M.A.

torrak ederki berotuta heldu dira igande honetako hitzordura, eta adin orori zuzendutako ikuskizun, tailer eta jolasak prestatu dituzte haur, nerabe eta gazteek familian gozatu ahal izateko, egitarau ezin aproposagoarekin.

LAUTADA, MENDIA, ERREKA
Euskara eta euskal kulturaz gozatu ahal izateko hiru gune eta makina bat ekimen pres-

tatu dituzte antolatzaileek Olarizuko landa eremuan. Lehen guneari Lautada izena eman diote, eta bertan, Armentia ikastolaren eskutik, Golazen, Mugaezin Txoual karaokea, plaza-dantzak eta Zumba izango dira. Era berean, tailer eta jolasei dago-kienez, Berriaren Txokoa, Argitxoren Txokoa, Eroski Elikadura Tailerra eta Makusi gunea dira nabarmentzekoak.

Mendia izeneko gunea, al-diz, euskal dantzen agertokia izango da, baina horrez gainera, Arabako Bertsolari Elkarteak Bertsotan izeneko saioa egingo du eta Miroltz, Akerbeltz eta Eh, Mertxel, taldeen kontzertuak ere izango dira. Era berean, tailerrak eta jolasak izango dira; horien artean, Haur Basoa eta Kaikuren Abestu, Dantzatu eta Sor-tu tailerra.

Azken gunean, hau da, Erre-ka gunean ere egongo da zere-kin gozatu; bertan izango dira, besteak beste, Maria Arandia-ren Magia eta Mirariak Fami-lian ikuskizuna eta Ibil Bedi, Janus Lester, Burutik eta DJ Malandroren kontzertuak, eta baita bizikleta kukaña eta Eus-kaltelen puzgarriak ere.

Egun osoan, eta gune bate-tik bestera, gaiteroak, Gasteiz Kantuz, Arai erraldoien kon-

'partsa eta Alt Maresmeko Cas-tellers-ak ibiliko dira.

Eta Arabako ikastoletako ikasleen Erronkak ere Olari-zun egingo dira; Lehen Hez-kuntzako ikasleak Mendia gu-nea arituko dira lehia sanoan, eta DBHkoak, berri-z, gune guztietan.

Olarizutik kanpo, Adurtza pilotalekuan, Arabako Herri Arteko Euskal Pilota txapelke-tako finalak jokatuko dira.

ARA
BAKO
SAGAR
DOTE
GIAK

Servicio de autobús




ITURRIETA
SAGARDOTEGIA
Aramaio
www.iturrieta.eus
t 945 445 385
t 685 72 15 93



TREBIÑU
sagardotegia

TREBIÑU
SAGARDOTEGIA
Askartza (Trebinu)
www.trebinu.com
t 945 24 48 52
t 657 73 65 99



Kuartango
SAGARDOTEGIA

KUARTANGO
SAGARDOTEGIA
Zuhatzu-Kuartango
www.kuartangosagardotegia.com
t 699 747 730
t 945 362 683



ARTURO LOPEZ DE LA CALLE Oiongo San Bizente ikastolako zuzendaria

Urte osoan egindako lan eskergak eragindako nekearekin, baina gauzak ongi egin izanaren sentazio atseginarekin bizi du Arturo Lopez de la Callek (Guardia, 1977) Araba Euskaraz festa handiaren ataria. Oiongo San Bizente ikastolak 45 urte eman ditu Arabar Errioxako eta ingurueta-ko gazteak euskalduntzen, eta proiektua bizirik dagoela habarmendu du, inoiz baino gehiago.

«Ikastolen mugimendua guztiz errotuta dago Arabako Errioxan»

M.A. | GASTEIZ


Pasa den ikasturteko maiztasun hasi ziren gaurko eguna prestatzen, eta denbora horretan galtzak bete lan izan dute guztia behar bezala atontzeko. Ekitaldiaren inguruko xehetasunak eta beste hainbat kontu azaldu dizkigu.

Auzolana da gisa horretako jaialdi bat antolatzeko behar den osagai nagusietakoa. Nolakoa izan da ikastolako komunitatearen inplikazioa prestaketa lanetan?

Egia esan, oro har, oso positiboki baloratzen dugu jendearen parte hartzea. Hasieratik lan taldeak antolatu ziren eta familien erantzuna oso ona izan da. Esan bezala, azpimarratzekoa da auzolana dela gure ikastolaren identitate zeinu bat.

Ekitaldi eta ekimen andana antolatu duzue urte osoan zehar, baita gaurko egunean ere. Horietako zein nabarmenduko zenituzke?

Bai, hala da. Gaurkorako, aldiz, denera, hiru gune antolatu ditugu Olarizuko landa eremuan: Lautada gunea, Mendia gunea eta Erreka gunea. Horietan Go!Azen karaokea, Akerbeltz, Eh Mertxe, Janus Lester eta DJ Malandro izango dira, besteak beste, ekitaldi aipagarri batzuk. Baina ez horiek bakarrik, dantza plaza, tailerrak, erronka frogak, kalejirak, eta gauza gehiago ere izango ditugu.



ARGAZKIAK: JAIZKI FONTANEDA | FOKU

Eta festa pentsatu eta antolaterako orduan, zein alderdiri eman nahi izan diozue garrantzi berezia?

Guztionezko jai izatea nahi dugu, gazteentzat, helduentzat

eta adinekoentzat. Programa anitza eta aukeraz bete denon-tzat, alegia. Musika tradizionalarekin eta musika gaurkotuagoarekin. Eta beti giro euskaldun, osasuntsu eta errespetuzkoan.

Festaz gainera, aldarrikapena ere egin nahi duzue. Zer da, zehazki aldarrikatu nahi duzuen?

Euskal Herriko hego-mendebaldean gaudela, mugan, bai-

na euskaraz bizi nahi dugula, euskaraz lan egin nahi dugula eta gure seme-alabak euskaraz hezi nahi ditugula.

45 urte eman ditugu Arabar Errioxako eta ingurueta-

★ TXAPELDUN
KUTXI-GASTEIZ

Servicio oficial para el Alto Nervión
Nerbioi Alluan Zerbitzu ofiziala

Eska, S.L.

Industrialdea, 4-1. LAUDIO Araba
Tl. 94 672 81 01

ko gazteak euskalduntzen, eta gure proiektua bizirik dago, inoiz baino gehiago, inoiz baino ikasle gehiagorekin eta familien laguntza eta babesarekin.

Logoaren bidez, aldiz, zer adierazi nahi izan duzue?


Logoa infinituaren ideian inspiratuta dago eta Arabako lurraldeko zortzi ikastolen arteko lankidetzaren sinbolizatzen du. Logotipoak betikotasuna eta etengabeko mugimendua adierazten duen forma espirala aurkezten du, etengabeko bidaiaren eta denboraren jarioaren ideia gogora ekarritik. Ekilore-petaloak, espirala harmoniatu konbinatzen baita espirala inguratzen duten zortzi petaloekin. Petalo horietako bakoitzak Arabako zortzi ikastoletako bat irudikatzen du. Petaloak hazkuntzaren, aniztasunaren eta lankidetzaren sinbolo dira, elkarrekin osotasun harmoniatua eta bateratua osatzen baitute.

Bestalde, logotipoan nagusi den kolorea horia da, eguzki-lorearen ezaugarria dena. Kolore honek argia, energia eta bizitasuna sinbolizatzen ditu. Gainera, ekilorea Arabako paisaiaren landare emblematico bat da, eta komunitatearekin eta lurraldearekin lotura berezia ezartzen du.

Jakina denez, azken ekitaldiak Arabako zortzi ikastolen artean antolatu dituzue. Zein izan da lankidetzaren horren emaitza? Zein ondorio atera dituzue?

Ondorioak eta emaitzak positiboak izan dira. Batez ere antolatzerakoan errazagoa da guztien artean egitea eta lanak banatzea. Gainera, zortzi ikas-

DUELA 40 URTE UME ERDALDUNAK GINENAK GAUR EUSKALDUNAK GARA, EUSKARAZ BIZI ETA EUSKARAZ LAN EGITEN DUGUN EUSKALDUNAK. ETA HORREK ELIKATZEN GAITU ETA INDARRAK EMATEN DIZKIGU AURRERA JARRAITZEKO.



egunero egiten dugu lan ilusio eta gogo handiz.

Zeintzuk dira San Bizente ikastolaren etorkizuneko erronka nagusiak?

Gure proiektuarekin aurrera jarraitzea. Gure herriko eta inguruko herrietako gazteei hezkuntza euskalduna eskaintzen jarraitzea, hain zuzen. Hala nahi duten familia guztiei gure ikastolan ikasteko aukera eskaintzea, hezkuntza eredu propio batekin eta ikasle guztiek merezi duten mailako zerbitzuekin.

Azkenik, Arabako Errioxan, euskarak ez du egoera samurra izan azken hamarkadatan. Zein izan da urteotako bilakaera eta nolako da hizkuntzaren osasuna gaur egun?

Gure eskualdean, ez da erraza, baina euskara entzuten da kaleetan, inoiz baino gehiago. Duela 40 urte ume erdaldunak ginenak gaur euskaldunak gara, euskaraz bizi eta euskaraz lan egiten dugun euskaldunak. Eta horrek elikatzen gaitu eta indarrak ematen dizkigu aurrera jarraitzeko.

Guraso, irakasle eta ikasle aitzindariak abiatutako ikastolen mugimendua guztiz errota dago Arabako Errioxan. Urteotan guztian lortu dugu eskualde honetan euskaldun eta ia euskaldunak %4 izatetik, %40tik gora izatea. Eta gure gogo, borondate eta grina mugaezinez lortu dugu Arabako Errioxa euskalduna, Euskal Herri euskalduneari.

Arabak ezagutza maila altua da, batez ere gazteen artean, baina gure eskualdean gisan, erabilera maila oraindik ez da orokorra. Indarra egin behar da zentzu horretan eta horregatik aldarrikatzen dugu ikastolok egiten dugun lana.

tolen inplikazio maila altua da, eta Araba Euskaraz urtero gertutasunetik bizitzeko aukera ematen du.

Bestalde, nolako izan da "Non eta Mugan" egitasmoa? Zein balorazio egiten duzue ekimen horren inguruan?

Beharrezkoa. Euskal Herriko ikastola guztien bideragarritasunaren gaiari irtenbidea eman behar zaio. Horregatik, mugan dauden ikastolen arte-

ko ekitaldi honetan parte hartu nahi izan dugu.


Jaialditik ateratako etekin ekonomikoa San Bizente ikastolarentzat izango da. Zein behar nagusi ditu San Bizente ikastolak?

Asko dira ditugun beharrak. 2015ean, gure azkenengo Araba Euskaraz ateratako etekinekin jangela eraiki genuen. Familia guztien artean ordaintzen ari gara jangela erai-

kitzeko hartutako mailegua, eta obra hartan egindako inbertsioa ordaintzen amaitu nahi dugu.

Nola ikusten duzue Arabako ikastolen egoera gaur egun?

Ez da momentu erraza. Jaiotza tasa asko jaitsi da eta horrek eragina du, noski. Baina familien babesa eta laguntza izaten jarraitzen dugu Araban. Ikastoletako kide guztiok proiektu honetan sinesten dugu eta



**ETORKIZUNA
EUSKARAZ,
MUGAEZIN DA.**

Gora Araba euskalduna!

ehbildu

Aitortza eta esker ona Euskal Herriko **periferian** diharduten ikastolei

Euskal Herriko Ikastolen Elkarteak aitortza egin nahi izan die Euskal Herriko periferian, beste lurraldeekiko mugan lanean ari diren ikastolei, tartean Oiongo San Bizente ikastolari.

M.A. | GASTEIZ

Ikastolak Herriari egitasmoan, "Non eta Mugan" ekitaldi hunkigarria egin zuten iragan den martxoan Beskoitzen (Lapurdi). Haren bidez Euskal Herriko Ikastolen Elkarteak aitortza egin nahi izan die Euskal Herriko periferian, beste lurraldeekiko mugan lanean ari diren ikastolei, euskara eta euskal kultura inguru horietan bultzatzeko egiten duten ahalegin eta ekin apartagatik.

Omenaldia jaso zutenen artean dago Oiongo San Bizente

OMENALDIA JASO ZUTENEN ARTEAN DAUDE OIONGO SAN BIZENTE IKASTOLA, ZANGOZAKOA, LODOSAKOA, VIANAKOA, TUTERAKOA, BALMASEDAKOA, SOHÜTAKOA ETA BESKOITZEKOA BERA ERE.

ikastola, baina baita Zangozako Ikastola, Lodosako Ibaialde Ikastola, Vianako Erentzun Ikastola, Tuterako Argia Ikastola, Balmasedako Zubi Zaharra Ikastola, Sohütako Eperra Ikastola eta Beskoitzeko Ikastola bera ere.

Ekitaldi hartan, Ikastolen Elkarteko lehendakari Nekane Artolak azaldu zuen aipatu ikastola horiek oztopoz betetako ibilbidea egin behar izan dutela gaurdaino, bide oso aberasgarria ere izan dena. Ibilbide horrengatik esker ona adierazi eta aitortza

egin nahi izan die elkarteak. Izan ere, lege babes eskasa rengatik edo egoera soziolinguistiko konplexuarengatik, euskararen egoera apala da

Euskal Herriko txoko ugari-tan. Halatan, Euskal Herriko periferian diharduten ikastolei berriki egindako aitortza horren helburua da, euskara eta euskal kultura lantzeari dagokionez, leku horietan ari diren ikastolak ezinbesteko eragileak direla aldarrikatzea, baina baita ikastola horien berebiziko esanguraz ohararaztea ere.

Egoera larria Beskoitzen

Aitortza ekitaldia, esan bezala, Beskoitzen ospatu zen eta bertako ikastolako kideei zuzendutako babes erakustaldia izan zen. Lapurdiko herri horretako ikastola egoera larrian dago gaur egun, Udala traba eta oztopo franko jartzen ari delako azkenaldian. Horren adibide da, konparazione, 2023ko irailean Fabienne Ayensa auzapezak ikastola berria eraikitzeko baimena ukatu izana.

Ikastolak salatu duenez, proiektu horren lehen unetik aurrera egiteko zailtasunak eta negoziatutako irtenbide bat aurkitzeko ezintasuna izan omen dute une oro, eta ikastola horretako ikasleek eraikin prefabrikatuetan jarraitzen dute eskolak jasotzen.

Orain hilabete gutxi egindako adierazpenetan Beskoitzeko ikastolako ordezkariak nabarmendu zuten administrazioek, bereziki Herriko Etxeak, euskara eta ikastola ito nahi dituela. Horrenbes-

araba euskaraz mugaezin

10:00 - Aitortza ekitaldia
10:30 - Aitortza ekitaldia
11:00 - Aitortza ekitaldia
11:30 - Aitortza ekitaldia
12:00 - Aitortza ekitaldia
12:30 - Aitortza ekitaldia
13:00 - Aitortza ekitaldia

ERROINKA

11:00-14:00
LH
Mendia gunean
DBH
Gune guztietan

ARTE ESZENIKOAK
Armentia ikastola

GOIAZEN KARAOKEA
MUGAEZIN TXOUAI
Arabako Ikastoletako ikasleak

DANTZA PLAZA
ZUNBA

BERRIAREN TXOKOA
ARGITXOREN TXOKOA

EROSKI ELIKADURA TAILERRA
MAKUSI GUNEA


araba álava
foru aldundia diputación foral

deitb
EROSKI zurcin

berria



Iragan den martxoan Beskoitzeko ikastolan egindako «Non eta Mugan» ekitaldia. Guillaume FAUVEAU



2.

DANTZA MUGAEZINI
Euskal dantzen topaketa

BERTSOTANI Arabako Bertsozale Elkartea

MIROTZ (Gazte Talent)

EH, MERTXE!

AKERBELTZ

Talerrak eta jolasak:
11:00 - 14:00 **HAURREN BASOA**
11:00 - 15:00 **ABESTU, DANTZATU**
ETA SORTU KAIKUREKIN

3.

MARIA ARANDIA
"Magia eta mirariak familian"
(Berriaren eskutik)

IBIL BEDI

JANUS LESTER

BURUTIK

DJ MALANDRO

Talerrak eta jolasak:
11:00 - 14:00 **HAZTEN ETA JOLASTEN**
Araba Euskaraz murala eta pultserak
Egun osan zehar
EUSKALTEL KUKAÑA BIZIKLETAZ
PUZGARRIAK



tez, Beskoitzeko Ikastolako lehendakari den Cyril Fesquinek esan zuen negoziazioak etenda daudela eta borondatea falta dela alkatearen eta Udal gobernuaren aldetik, egoerari aterabide egoki bat emateko. Gainera, ikastolako kideak ohartarazi dituzte orain arteko ikastolaren eremuko lurrak utzi beharko dituztela ikasturtea bukatu bezain laster, Herriko Etxeak hala erabakita.

Inplikazioa eta ekarpena
Kontuak horrela, Oiongo San Bizente ikastolako ordezkariak ez ziren Beskoitzen ospatutako ekitaldian falta izan, eta haien ekarpena egin eta bertako ikastolako kideei sostengua adierazi nahi izan zieten. Arabako Errioxako ikastola horretako zuzendari

BESKOITZEKO IKASTOLA OHARTARAZI DUTE ORAIN ARTEKO IKASTOLAREN EREMIKO LURRAK UTZI BEHARKO DITUZTELA IKASTURTEA BUKATU BEZAIN FITE, HERRIKO ETXEAK HALA ERABAKITA.

Arturo Lopez de la Callek azpimarratu zuen gisa horretako ekitaldiak guztiz beharrezkoak direla. Horrekin batera, adierazi zuen Euskal Herriko ikastola guztien bideragarritasunaren gaiari irtenbidea emian behar zaiola, eta horretarako beharrezkoa dela eragile horien guztien inplikazioa eta ekarpena.

Azkenik, aurten Gipuzkoako ikastolen aldeko jaiak antolatuko duen Azpeitiko Ikastolako kideak ere izan ziren ekitaldi horretan eta Kilometroak 2024ko logoa irudikatzen duen eskuz egindako eguzki-lorea oparitu zieten. Horren bidez, landare horren hosto guztiak desberdinak eta denak beharrezkoak direla eta ikastola horietatik euskararen haziak aterako direla adierazi nahi izan zuten.



Beskoitzeko ikasleek eraikin prefabrikatuetan jarraritzen dute. G.FAUVEAU

DASTAN
BEINGO
EUSKAL
ZAPORER

EUSKAL HERRIA
esnea

www.euskalherriaesnea.com